

Káipiàn ê Sin Sengoáh

4 Kitok kijiàn tī jiòkthé siūkhó, lín mā tiòh iōng kângkhoán ê simchì lâi chongpī kakī; inūi jiòkthé siūkhó tòh sī íkeng kah chōeok toānchoát koanhē. ² Anne, lín tī sèkan só chhun ê jitchí, tòh bô koh chiàu lāng ê chēngiòk, khiok sī chiàu SiōngChú ê chí lâi sengoáh. ³ Inūi kútng ílâi, lín chiàu bīsìnchiá só ài chò ê, lōnghùi sīkan tī ímloān, chēngiòk, chiúchùi, hòngchhiòng, iànlok kah hiahê khóoⁿ ê ngósiōng chōngpài, íkeng kàugiáh ā. ⁴ Chit má in khòⁿ tiòh lín bô koh kah in kângkhoán teh kòe hòngtōng bô chiatchè ê sengoáh, in tòh kámkak kíkoài, soah kā lín húipòng. ⁵ M̄ koh, in tiòh tù hit ùi beh lâi símphòⁿ oáhlāng kah sílāng ê SiōngChú kautài. ⁶ Inūi hokim mā bat thoân hō sílāng, thang hō in tī jiòkthé siōng chiàu lāng ê khoánsit siū símphòⁿ, in ê lêng khiok ē tàng chiàu SiōngChú ê khoánsit lâi oáh.

Chò SiōngChú Insù ê Hó Koánke

⁷ Bānsū ê kiatkiók íkeng kīn ā. Sói, lín tiòh kínsin chūchè, kēngchéⁿ kító. ⁸ Siōng iàukín ê sī lín tiòh jiátsēng saⁿthiàⁿ, inūi thiàⁿ ē tàng siautú chin chē chōekò. ⁹ Lín tiòh hōsiong chinchhiat khoánthāi, m̄ thang báioàn. ¹⁰ Lín ták lāng tiòh chiàu kakī só niásiū ê insù hōsiong hók sāi, chò SiōngChú kok chióng insù ê hó koánke. ¹¹ Kángtō ê lāng tiòh soankáng SiōngChú ê sìnsit, hók sāi ê lāng tiòh iōng SiōngChú só siúⁿsù ê khùilát lâi hók sāi, thang hō SiōngChú thongkòe lésu Kitok, tī bānsū lóng tit tiòh êngkng. Goān êngkng kah koānlêng lóng kui tī SiōngChú, taitāi bô chīn. Amen!

Chò Kitoktō Tiòh Jímsiū Khólān

¹² Chhinài ê hiaⁿtī chí mōe, tng lín tú tiòh ná chhiūⁿ hóe ê chhiliān ê sí, m̄ thang tiòhkiāⁿ, ná chhiūⁿ sī tú tiòh kíkoài ê tāichì. ¹³ Lín tiantò tiòh

改變 ê 新生活

4 基督既然 tī 肉體受苦，lín mā tiòh 用全款 ê 心志來裝備 kakī；因為肉體受苦 tòh 是已經 kah 罪惡斷絕關係。 ² Anne，lín tī 世間所 chhun ê 日子，tòh 無 koh 照人 ê 情慾，卻是照上主 ê 旨意來生活。 ³ 因為久長以來，lín 照未信者所 ài 做 ê，浪費時間 tī 淫亂、情慾、酒醉、放縱、宴樂 kah hiahê 可惡 ê 偶像崇拜，已經夠額 ā。 ⁴ Chit má in 看 tiòh lín 無 koh kah in 全款 teh 過放蕩無節制 ê 生活，in tòh 感覺奇怪，soah kā lín 誹謗。 ⁵ M̄ koh，in tiòh 對 hit 位 beh 來審判活人 kah 死人 ê 上主交帶。 ⁶ 因為福音 mā bat 傳 hō 死人，thang hō in tī 肉體上照人 ê 款式受審判，in ê 靈卻 ē tàng 照上主 ê 款式來活。

做上主恩賜 ê 好管家

⁷ 萬事 ê 結局已經近 ā。所以，lín tiòh 謹慎自制，警醒祈禱。 ⁸ Siōng 要緊 ê 是 lín tiòh 熱誠相疼，因為疼 ē tàng 消除真 chē 罪過。 ⁹ Lín tiòh 互相親切款待，m̄ thang 埋怨。 ¹⁰ Lín ták 人 tiòh 照 kakī 所領受 ê 恩賜互相服事，做上主各種恩賜 ê 好管家。 ¹¹ 講道 ê 人 tiòh 宣講上主 ê 信息，服事 ê 人 tiòh 用上主所賞賜 ê 氣力來服事，thang hō 上主通過耶穌基督，tī 萬事 lóng 得 tiòh 榮光。願榮光 kah 權能 lóng 歸 tī 上主，代代無盡。阿們！

做基督徒 Tiòh 忍受苦難

¹² 親愛 ê 兄弟姊妹，當 lín tú tiòh ná 像火 ê 試煉 ê 時，m̄ thang tiòh 驚，ná 像是 tú tiòh 奇怪 ê tāichì。 ¹³ Lín 顛倒 tiòh 因為有份 tī 基督 ê

inūi ū hūn tī Kitok ê kankhó lâi hoaⁿhí, thang hō lín tī l êngkng hiánhiān ê sī, mā ē tàng hoaⁿhí khoàilòk. 14 Lín nā ūi tiòh Kitok ê miá hō láng lóemē, lín tòh chin ū hokkhì, inūi ū êngkng ê lêng, iā tòh sī SiōngChú ê lêng tiàm tī lín ê sinchiūⁿ. 15 Lín tiongkan m̄ thang ū láng inūi thài láng, chòchhàt, chò pháihⁿ, á sī inūi ài chhap pàtlâng ê êng'á sū lâi siūkhó. 16 Chóng sī, nā ū láng inūi chò Kitoktô lâi siūkhó, tòh m̄ bián kámkak kiànsiàu, hoántg tiòh inūi kakī ū Kitoktô chitê miá lâi kui êngkng hō SiōngChú.

17 Inūi símphòanⁿ ê sījít kàu à, SiōngChú ê chúbîn ē tāseng siū símphòanⁿ. Nāsī símphòanⁿ tùi lán khaisí, áne hiahê m̄ sìn SiōngChú hokim ê láng, in ē ū siáⁿ khoán ê kiátkiòk? 18 Kengtián ū kichài:

Nāsī gīlâng titkiù tòh íkeng hiahnih bô iôngī

áne, bô kèngkhián ê láng kah chōejîn ē ánhóaⁿ?⁷

19 Sój, hiahê inūi chiàu SiōngChú ê chí siūkhó ê láng, tiòh kèsiòk thongkòe chò hósū, kā in ê lênghūn kauthok hō hit ūi sìnsít ê Chhòngchōchú.

艱苦來歡喜，thang hō lín tī 祂榮光顯現 ê 時， mā ē tàng 歡喜快樂。 14 Lín 若為 tiòh 基督 ê 名 hō 人詈罵， lín tòh 真有福氣，因為有榮光 ê 靈，也 tòh 是上主 ê 靈 tiàm tī lín ê 身 chiūⁿ。 15 Lín 中間 m̄ thang 有人因為 thài 人、做賊、做 pháihⁿ， á 是因為 ài chhap 別人 ê 閒 á 事來受苦。 16 總是，若有人因為做基督徒來受苦， tòh m̄ 免感覺見笑，反 tng tiòh 因為 kakī 有基督徒 chitê 名來歸榮光 hō 上主。

17 因為審判 ê 時日到 à，上主 ê 子民 ē tāsī 先受審判。若是審判 tùi 咱開始， áne hiahê m̄ 信上主福音 ê 人， in ē 有啥款 ê 結局？ 18 經典有記載：

若是義人得救 tòh 已經 hiahnih 無容易，

áne，無敬虔 ê 人 kah 罪人 ē án 怎？⁷

19 所以， hiahê 因為照上主 ê 旨意受苦 ê 人， tiòh 繼續通過做好事， kā in ê 靈魂交託 hō hit 位信實 ê 創造主。

⁷ ChG 11:31

⁷ 箴 11:31